

E C S O D U S.

agus an casan a dh'airgiod, *ca-dhon* fè casa deug; dà chois fuidh gach bord.

31 Agus rinn e croinn do fhiodh sitim, cùig air fon bhord aon taoibh do'n phàilliun,

32 Agus cùig croinn air fon bhord an taoibh eile do'n phàilliun, agus cùig croinn air fon bhord a' phàilliun a chum nan taobh *ata* ris an aird an iar.

33 Agus thug e air a' chrann mheadhonach dol troimh^a na buird o cheann gu ceann.

34 Agus chòmhdach e thairis na buird le h-òr, agus rinn e'm failbheagan *a dh'òr gu bhi* 'nan àitibh do na croinn, agus chòmhdach e thairis na croinn le h-òr.

35 Agus rinn e roinn-bhrat do ghorm, agus do chorcur, agus do scarlaid, agus do anart grinn toinnte: a dh'obair ealanta rinn se e, *le* cerubaibh.

36 Agus rinn e dha ceithir puist do fhiodh sitim, agus chòmhdach e thairis iad le h-òr: *bha* 'n cromagan *a dh'òr*, agus thilg^b e dhoibh ceithir buinn airgid.

37 Agus rinn e air fon doruis a' bhùtha^c, brat^d do ghorm, agus do chorcur, agus do scarlaid, agus do anart grinn toinnte, dh'obair snathaide:

38 Agus a chùig poist an le 'n cromagaibh: agus chòmhdach e thairis an cinn, agus an cuairteagan le h-òr: ach *bha* 'n cùig buinn a dh'umha.

C A I B. XXXVII.

A GUS rinn Beseleel an àire do fhiodh sitim; dà làimh-

choille gu leth a fad, agus làmh-choille gu leth a leud, agus làmh-choille gu leth a h-àirde:

2 Agus chòmhdach e thairis i le h-òr fìor-ghlan a stigh agus a muigh; agus rinn e coron òir dh'i m'an cuairt.

3 Agus thilg e dh'i ceithir failbheagan òir, *gu bhi* air a ceithir oisinnibh; eadhon dà fhailbheig air aon taobh dh'i, agus dà fhailbheig air an taobh eile dh'i.

4 Agus rinn e bataichean do fhiodh sitim, agus chòmhdach e thairis iad le h-òr.

5 Agus chuir e na bataichean 'fna failbheagaibh air taobhan na h-àirce, chum an àire a ghlan.

6 Agus rinn e cathair-na-tròcair *a dh'òr* fìor-ghlan: dà làimh-choille gu leth a fad, agus làmh-choille gu leth a leud.

7 Agus rinn e dà cherub *a dh'òr*, buailte mach a h-aon mhir: rinn e iad, aig dà cheann cathair-na-tròcair;

8 Aon cherub aig a' cheann air an taobh so, agus cerub eile aig a' cheann air an taobh ud: a mach a cathair-na-tròcair rinn e na ceruban aig a dà cheann.

9 Agus bha na ceruban a' fgaioleadh an fgiathan gu h-àrd, a' còmhdachadh le 'n fgiathan os cionn cathair-na-tròcair, agus an aghaidhean^e r'a chéile; re cathair-na-tròcair bha aghaidhean nan cerub.

10 Agus rinn e 'm bord do fhiodh sitim: dà làimh-choille fhad, agus làmh-choille a leud, agus làmh-choille gu leth a airde.

11 Agus chòmhdach e thairis

^a roimh; tre, tri. Eir. ^b rinn. ^c a' phàilliun, a' phubhuill. ^d còmhdach, cùitein. ^e aghaidhean.